



# basic education

Department:  
Basic Education  
REPUBLIC OF SOUTH AFRICA

**SENIOR CERTIFICATE/  
NATIONAL SENIOR CERTIFICATE**

**LIBANGA 12**

**SISWATI LULWIMI LWEKUCALA LWEKWENGETA (FAL)**

**LIPHEPHA LESITSATFU (P3)**

**LWETI 2020**

**TICONDZISO TEKUMAKA**

**EMAMAKI: 100**

**Leticondziso tekumaka tinemakhasi la-11.**

**SIGABA A: INDZABA****UMBUTO 1****1.1 Kukhuluma tindzaba tebantfu kwangifaka enkingeni.****Indzaba lelandzisako.**

Indzaba ingafaka lamaphuzu lalandzelako:

- Indzaba ayibe nesingeniso, umtimba nesiphetho.
- Akuvele lusuku latifake ngalo etindzabeni.
- Akuvele kutsi wakhuluma nabobani letindzaba. Sibonelo: (Bangani bakhe/tihlobo/bomakhelwane njll).
- Akuvele sizatfu lesamenta kutsi akhulume letindzaba. Sibonelo: (bekalove esikolweni nebangani bakhe/bekavakashile njll).
- Akuvele imiphumela yekutsandza tindzaba tebantfu nobe inkinga lagcine angene kuyo. Sibonelo: (bamshaya/bamtsetsisa/bamnika sijeziro lesilukhuni/wacoshwa esikolweni njll).

(Naleminye imibono lengabhalwa bahlolwa lehambisana nesihloko yemukelekile.)

**[50]****1.2 Maye sihle sifundza saseMpumalanga****Indzaba lechazako.**

Indzaba ingafaka lamaphuzu lalandzelako:

- Indzaba ayibe nesingeniso, umtimba nesiphetho.
- Umhlolwa utawuchaza ngebuhle balesifundza. Sibonelo. (Kunelihlanze lelinetintsaba letenta lesifundza siphole/kunenkhanga lapho kuhlala khona labakhona kumelana nemakhata/kunemadolobha lamakhulu/kunesiciwi setinyamatane/kunetimpophoma/kunenkhundla lenkhulu yetemidlalo/kunemasiko lahlukahlukene njll).

(Naleminye imibono yebahlolwa lehambisana nesihloko yemukelekile.)

**[50]****1.3 Sigameko lesagcina sakhe likusasa lami****Indzaba leveta limuva lembhali.**

Indzaba ingafaka lamaphuzu lalandzelako:

- Indzaba ayibe nesingeniso, umtimba nesiphetho.
- Akuvele lesigameko lesagcina sakhe likusasa lakhe. Sibonelo: (Kubanjwa nebangani labaphetse tintfo tekwebiwa/kuphenywa ngemaphoyisa aze ayophenya ekhaya kubo/wagcina ngekumlahla umngani wakhe lobekamenta ahambe naletigangi/kufeyila esikolweni ngobe bekadlala watfola sifundvo wacala kutimisela esikolweni njll.)
- Akuvele kukhutsata labanye ngekutsi abatjele ngemiphumela layitfola. Sibonelo. (Waphumelela ngemalengiso etifundweni tetibalo, tesayensi naletinye/watfola umfundzate waya enyuvesi/nakhona waphumelela ngemalengiso watfola umsebenti.)

(Naleminye imibono yebahlolwa lehambisana nesihloko yemukelekile.)

**[50]**

**1.4 Buhle nebubi bekwetsembela emnganini****Indzaba lenhlangotsimbili.**

Indzaba ingafaka lamaphuzu lalandzelako:

- Indzaba ayibe nesingeniso, umtimba nesiphetho.
- Buhle.  
Akuvetwe buhle bekwetsembela emnganini. Sibonelo: (Bayacoca ngetintfo letiphatselene nesigaba sabo/basitana ngemsebenti wesikolo/bacitsa situnge/bafundzisana tintfo letinyenti ngemphilo njll).
- Bubi.  
Akuvetwe bubu bekwetsembela emnganini. Sibonelo: (Bahlangana ngetintfo letimbi/bafundzisana imikhuba lengamukeleki/nawutsembele emnganini wenta tintfo letifunwa ngulomngani wakho njll).  
Lomunye angabhala ngemngani lotenta silwi/sibheva. Atfukane nemuntfu lekamonile ngekwetsemba umngani lohlala atibeka embili ngekukwati kushayana/kulwa. Kwetsembela emnganini kutsi nawusenkingeni umngani abaleke akushiye nenkinga  
(Naleminye imibono yebahlolwa lehambisana nesihloko yemukelekile.)

**[50]****1.5 Imfundvo isikhiya semphilo. Vuma nobe uphikise lombono.****Indzaba Letsatsa luhlangotsi/Lehlangotsilunye.**

Indzaba ingafaka lamaphuzu lalandzelako:

- Indzaba ayibe nesingeniso, umtimba nesiphetho.
- Labavumelana nesihloko batawuveta lamaphuzu: Sibonelo (Imfundvo isikhiya ngobe nawufundzile ungena nobe kuphi lapho kufanele khona/wenta tintfo letinhle lotitsandzako ngobe unayo imali yekutenta/ungatsenga likhaya lolitsandzako nome ngabe litfolakala kuphi njll).
- Labaphikisana nesihloko batawuveta lamaphuzu. Sibonelo: (Batawusho kutsi akusibo bodvwa labafundzile labaphila imphilo lemmandzi ngobe banemali bakhona labangakafundzi lababosomabhizinisi labakhulu nabo baphila imphilo lekahle njll).  
(Naleminye imibono yebahlolwa lehambisana nesihloko yemukelekile.)

**[50]**

- 1.6.1- Bahlolwa kulindzeleke kutsi bavete emaphuzu lavakalako lahambelana  
1.6.3 netitfombe, bangagudluki kuto. Letindzaba tetitfombe letilandzelako  
tingatsatsa nobe nguluphi luhlobo lwetindzaba kuleti:  
lelandzisako/lechazako/lehlangotsilunye/lenhlangotsimbili/leveta limuva  
lembhali.

**[50]****BONA IRUBHRIKI YEKUMAKA INDZABA SIGABA A.****SAMBA SESIGABA A: 50**

**SIGABA B: EMATHEKSTHI EMIBHALOMBIKO LEMIDZANA****UMBUTO 2****2.1 INCWADZI YEBUNGANI****SAKHIWO SENCWADZI YEBUNGANI**

- Ayibe nesingeniso, umtimba nesiphetfo.
- Ayibe nelikheli linye lemhlolwa nelusuku esandleni sekudla.
- Akweciwe umugca.
- Akube nesibingelelo lesihambisana neluhlobo lwencwadzi esandleni sesancele.
- Akweciwe umugca.
- Akube nemapharagrafu. Sibonelo: (Ubhalela kubonga imphatfo lenhle njll.)
- Akweciwe umugca kube nesivaleliso lesifanele (ligama lemhlolwa lelingenasibongo) ekugcineni kwencwadzi, esandleni sesancele.

**[30]****2.2 UMLANDVOMPHILO**

Bahlolwa bacedzela umlandvomphilo bese babhala incwadzisicelo.  
Akubhalwe lamaphuzu lashodile kulomlandvomphilo:

**TEMFUNDVO**

- Akuvele tifundvo latiphasile ebangeni le-12.

**IMFUNDVO LEPHAKEME**

- Akuvele ligama lenyuvesi lafundze kuyo.
- Akuvele tiku latitfole enyuvesi.

**LWATI LWETEMISEBENTI**

- Akuvele lwati lanalo ngalomsebenti nekutsi usebente ngawuphi umnyaka.

**BOFAKAZI**

- Akuvele bantfu lababofakazi netinombolo tabo.

**INCWADZI YEKUCELA UMSEBENTI**

- Emakheli akabe mabili.
- Ayibe nesihloko.
- Sikhangisi.
- Umnyaka nelizinga lemfundvo.
- Letinye timphawu letidzingeakako.
- Ayivete kutitfoba.
- Siphetfo lesifanele.

**LOKUBALULEKILE:**

- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile.

**[30]**

**2.3 I-ATHIKHELI YELIPHEPHANDZABA****SAKHIWO:**

- Sihloko se-athikheli (Umkhuba wekugcwala kwebantfwana emathaveni ngemawikhendi.
- Inesingeniso, umtimba nesiphetho.
- Lusuku lebhalwe ngalo.
- Ibhale ngubani.
- Ligama leliphephabhuku leya kulo (sib. *iDaily News*).
- Lokucuketfwe (Tecwayiso ngetingoti lebangangena kuto).
- Ibhale ngetindzima nobe ngemaphuzu.
- Ingasebentisa emafonti lehlukahlukene.
- Tincomo.

**[30]****2.4 INKHULUMOMPHENDVULWANO**

Ayivete lamaphuzu lalandzelako:

- Luhlaka (emagama alabakhulumako abhalwa ngasesandleni sebuncele bese kufakwa ikholoni/bokhulunyiwe abafakwa/lokwentekako kubhalwa kubakaki).
- Kusetjentiswa inkhulumongco.

**LOKUBALULEKILE:**

- Kusetjentiswa irejista lefanele.
- Kucikelelwa kusetjentiswa kwelulwimi ngalokujulile.
- Akube ngemantfombatane labosisi labakhulumako.
- Akukhulunywe ngekutsi ngubani lotawupheka kudla kwasemini namuhla.

**[30]****BONA IRUBHRIKI YEKUMAKA UMBHALOMBIKO LOMUDZANA SIGABA B.****SAMBA SESIGABA B: 30**

**SIGABA C: EMATHEKSTHI LAMAFISHA EMIBHALOMBIKO/LATICUKATSILWATI****UMBUTO 3****3.1 SIKHANGISI**

Lokubalulekile ngesikhangisi:

- Asihehe (akusetjentiswe simo lesitakwenta sikhangisi sidvonse emehlo sibuye sikhumbuleke).
- Asigcame.
- Akusetjentiswe lulwimi loluhhungako.
- Akuvetwe injongo netetsamelilwati.
- Akusetjentiswe emasu ekukhangisa. Sibonelo: (Kusebentisa ticubulo netilogeni/tihloko letidvonsa emehlo/kuchaza umkhicito ngalokufisha/buhle bemkhicito njll).
- Akuvele ligama lalokukhangiswako/libhizinisi lelikhangiswako.
- Likuphi nendzawo? Lowufunako uwutfola njani lomkhicito njll.

**[20]****3.2 IDAYARI**

Lokubalulekile ngedayari.

- Ayibe netinsuku, inyanga nemnyaka.
- Akuvele sikhatsi lekutawentiwa ngaso lokwentiwako.
- Akuvele emalanga aloku lokutawentiwa.
- Akuvele imininingwane yaloko lokutawentiwa. Sib: (Kuvakashela elwandle, kuvakashela eShaka Marine njll).

**[20]****3.3 TINKHOMBANDLELA**

Lokubalulekile ngeticondziso:

- Hamba ngemgwaco longenhla kwesiphaza.
- Jikela esandleni sekudla.
- Yehla ngemgwaco uyofika lapho kunendlu lenkhulu leyakhiwe ngesitini lesincane.
- Jikela esandleni sesancele.
- Hamba emakhilomitha lamabili utawubona sikolo semabanga laphasi.
- Ngasesandleni sekudla kunesiteshi semabhasi.
- Nawudlula kulesiteshi ucondze ngco emtfolamphilo.
- (Naleminyeye imibono lehambisana nekulayela umuntfu indlela yemukelekile)

**[20]****BONA IRUBHRIKI YEKUMAKA UMBHALOMBIKO LOMFISHA SIGABA C.**

**SAMBA SESIGABA C: 20**  
**SAMBA SAKO KONKHE: 100**

**CAPHELA:**

- **Sebentisa irubhriki njalo nawumaka indzaba (Liphepha le-3, SIGABA A).**
- Emamaki lasukela ku-0–50 ehlukaniswe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusacatfuta naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukaniswe ngekwelizinga lelisetulu ngalokubabatekako nelizinga lelisetulu ngalokungababateki, ngekwehlukana kwemamaki netinchazelo temakhono.
- Sakhiwo sona asitsintseki ngalokwehlukani kwa kwelizinga lelisetulu ngalokubabatekako nelinelizinga lelisetulu ngalokungababateki.

**IRUBHRIKI YEKUHLOLA INDZABA YELULWIMI LWEKUCALA LWEKWENGETA [50 EMAMAKI]**

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
<b>LOKUCUKETFWE NEKUHELELA</b>  (Imphendvulo nemibono) Kuhleleka kwemibono nakulungiselelwa kubhala. Kucikelelwa kwenhloso, tetsamelilwati nesimongcondvo.	Lizinga lelisetulu ngalokubabatekako	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		-Imphendvulo lengemalengiso lababateka ngetulu kwalokulindzelekile. -Imibono ivutsiwe, inekuhlakanipha, lokukhombisa kucabanga lokujulile. -Kuhleleka kungemalengiso lababatekako, kubumbene nesingeniso, umtimba kanye nesiphetho.	-Imphendvulo lesecophelweni lelisetulu ngalokubabatekako. -Imibono ivutsiwe, iyaheha ihambisana nesihloko ngalokuphelele. -Kuhleleka kusecophelweni lelisetulu kakhulu, lokubumbene nesingeniso, umtimba nesiphetho.	-Imphendvulo leyenetisako. -Imibono ibumbene futsi ikholweka ngalokwenetisako. -Kuhleleka kubumbene nesingeniso, umtimba nesiphetho ngalokwenetisako.	-Imphendvulo lengakabumbani. -Imibono ayikacaci kantsi futsi akusiyo yekuticambela. -Buncane bufakazi bekuhleleka nekubumbana.	-Yonkhe imphendvulo iyanhlanhlatsa. -Imibono ihlangahlangene futsi iyadidana, ayikacondzi ngco. -Kunekuphindzaphindza lokungevakali. -Akukho kuhleleka nekubumbana.
<b>30 EMAMAKI</b>	Lizinga lelisetulu ngalokungababateki	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		-Imphendvulo lengemalengiso kodvwa ingenato timphawu tekubabateka. -Imibono ivutsiwe futsi ihlakaniphile. -Kuhleleka lokungemalengiso, kubumbene nesingeniso, umtimba nesiphetho.	-Imphendvulo lesecophelweni lelisetulu. -Imibono iyaheha, ihambisana nesihloko. -Kuhleleka lokusecophelweni lelisetulu lokubumbene nesingeniso, umtimba nesiphetho.	-Imphendvulo leyenetisako kodvwa kukhona lokungevakali kahle. -Imibono ibumbene, iyakholweka. -Kukhona kuhleleka lokutsite kanye nekubumbana nesingeniso, umtimba nesiphetho.	-Imphendvulo legcwele kunhlanhlatsa. -Imibono ayihlangani, iyadidana. -Abukho bufakazi bekuhleleka nekubumbana.	-Awukho namncane umzamo wekuphendvula ngesihloko. -Yonkhe imphendvulo iyanhlanhlatsa, ayemukeleki. -Akuvakali, kuhihangahlangene.

## IRUBHRIKI YEKUHLOLA INDZABA YELULWIMI LWEKUCALA LWEKWENGETA [50 EMAMAKI] (continued)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
<b>LULWIMI, SITAYELA NEKUHLUNGWA KWEMAPHUTSA</b>  Kuhambelana kwemoya irejista, sitayela, silulumagama nenhloso nesimongcondvo. Kusetjentiswa kwelulwimi, timphawu tekufundza nekubhala, luhlelo, sipelengi. (lupelomagama)	<b>Lizinga lelisetulu ngalokubabatekako</b>	<b>14–15</b> -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngemalengiso lababatekako. -Lulwimi lolunekutetsemba, lolugculisako nalolunemba ngemalengiso lababatekako. -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo. -Esikhatsini lesinyenti kakhulu emaphutsa eluhlelo nesipelengi kute. -Kunekuticambela lokungemalengiso lasetulu kakhulu.	<b>11–12</b> -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu. -Lulwimi lusecophelweni lelisetulu kantsi nemoya uyemukeleka emphendvulweni yonkhe. -Emaphutsa eluhlelo nesipelengi akasimanyenti. -Kuticambela lokusecophelweni lelisetulu.	<b>8–9</b> -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako. -Lulwimi lusetjentiswe ngalokwenetisako kwetfula lokushiwo embhalweni. -Umoya uyenetisa. -Emasu ebugagu belulwimi asetjentiswe kunotsisa lokucuketfwe.	<b>5–6</b> -Umoya, irejista, sitayela nesilulumagama akuhambelani nenhloso, tetsamelilwati nesimongcondvo. -Kusetjentiswa kwelulwimi kusacatfuta. -Umoya nekukhetseka kwemagama akwemukeleki. -Silulumagama sincane kakhulu.	<b>0–3</b> -Lulwimi aluvakali. -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo. -Silulumagama sincane ngendlela yekutsi lokubhaliwe akungalandzeleki.
		<b>15 EMAMAKI</b>	<b>13</b> -Lulwimi lusetjentiswe ngemalengiso nangalokuveta umoya lokhutsatako ngemphumelelo -Esikhatsini lesinyenti emaphutsa eluhlelo nesipelengi awekho -Kuticambela kungemalengiso	<b>10</b> -Lulwimi lusetjentiswe ngemphumelelo lesecopheweni lelisetulu. -Umoya uyemukeleka futsi uneligalelo lelemukelekile. -Emaphutsa eluhlelo nesipelengi ambalwa. -Icambeke kahle.	<b>7</b> -Lulwimi lusetjentiswe ngalokwenetisako kodvwa ngalokungafani embhalweni wonkhe. -Imvamisa umoya wemukelekile, emasu ebugagu belulwimi asetjentiswe kancane.	<b>4</b> -Lulwimi lusetjentiswe ngalokungenetisi. -Kusetjentiswa kwetinhlobo letehlukene temisho kuncane/kute. -Silulumagama sincane kakhulu.



**IRUBHRIKI YEKUHLOLA INDZABA YELULWIMI LWEKUCALA LWEKWENGETA [50 EMAMAKI] (continued)**

<b>Timpawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>SAKHIWO</b>	<b>5</b>	<b>4</b>	<b>3</b>	<b>2</b>	<b>0–1</b>
Timphawu tetheksthi, Kutfufukiswa kwetindzima nekwakhiwa kwemisho.	-Sihloko sitfutfukiswe ngemalengiso. -Imininingwane yetfulwe ngemalengiso. -Imisho, netindzima kwakheke ngemalengiso lababatekako.	-Imininingwane itfutfukiswe ngalokuhlelekile. -Kunekubumbana. -Imisho, netindzima kuhlelekile futsi kutinhlobonhlobo.	-Imininingwane ihambisana nesihloko. -Imisho netindzima kwakheke kahle Indzaba iyevakala.	-Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	-Emaphuzu ladzingekele asilele. -Imisho netindzima kunemaphutsa. -Indzaba ayinamcondvo.
<b>5 EMAMAKI</b>					
<b>KWEHLUKA</b>					
<b>KWEMAMAKI</b>	<b>43–50</b>	<b>33–40</b>	<b>23–30</b>	<b>13–20</b>	<b>0–10</b>

**SEBENTISA IRUBHRIKI NJALO NAWUMAKA UBHALOMBIKO LOMUDE SIGABA B.****IRUBHRIKI YEKUHLOLA ITHEKSTHI YEMBALOMBIKO LOMUDZE WELULWIMI LWEKUCALA LWEKWENGETA [30 EMAMAKI]**

<b>Timphawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETFWE, KUHLELA NESAKHIWO</b>  Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timphawu/timiso, nesimongcondvo.  <b>18 EMAMAKI</b>	<b>15–18</b>  -Imphendvulo lengemalengiso lababatekako. -Imibono ivutsiwe, inekuhlakanipha, lokukhombisa kucabanga lokujulile. -Lwati lolungemalengiso lwetimpawu teluhlobo lwetheksthi lebhawako. -Umbhalo ucondze ngco. -Lokucuketfwe kunemibono lebungene ngemalengiso. -Yonkhe imininingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.	<b>11–14</b>  -Imphendvulo lesecophelweni lelisetulu lekhombisa. -Lwati lolusecophelweni lelisetulu lweluhlobo lwetheksthi lebhawako. -Umbhalo ucondze ngco, awutsemeleti. -Lokucuketfwe kunemibono lebungene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	<b>8–10</b>  -Imphendvulo leyenetisako, lekhombisa lwati lweluhlobo lwetheksthi lebhawako. -Umbhalo awukacondzi ngco ngalokuphelele, unekutsemeleta lokutsite. -Emaphuzu alokucuketfwe abumbene ngalokwenetisako. -Leminye imininingwane iyasesekela sihloko. -Sakhiwo siyenetisa kodwa sinemaphutsa latsite.	<b>5–7</b>  -Imphendvulo lecatfutako lekhombisa lwati loluncane lweluhlobo lwetheksthi lebhawako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa imininingwane leyesekela sihloko. -Imitsetfo netimiso letibalulekile tesakhiwo setheksthi atikalanzelwa ngalokufanele. -Kunyenti lokubalulekile lokusilele.	<b>0–4</b>  -Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako. -Inshokutsi iyanhlanhlatsa, igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leyesekela sihloko. -Imitsetfo netimiso tesakhiwo setheksthi letibalulekile atikalanzelwa nakancane.
<b>LULWIMI, SITAYELA NEKUHLUNGWA KWEMAPHUTSA</b>  Umoya, irejista, sitayela, inhloso, tetsamelilwati nesimongcondvo Timiso nekusetjentiswa kwelulwimi Kukhetseka kwemagama Timphawu tekufundza nekubhala nesipelingi  <b>12 EMAMAKI</b>	<b>10–12</b>  -Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo. -Luhlelo alunamaphutsa kantsi futsi icambeke kahle -Esikhatsini lesinyenti akunamaphutsa.	<b>8–9</b>  -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.	<b>6–7</b>  -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Kunemaphutsa latsite eluhlelo -Silulumagama lesenetisako -Emaphutsa akayiphazamisi inshokutsi	<b>4–5</b>  -Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.	<b>0–3</b>  -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo. -Kugcwele emaphutsa lamanyenti ladidanako. -Silulumagama asihambisani nakancane nenhloso. -Inshokutsi ihlangahlangene kakhulu.
<b>KWEHLUKA KWEMAMAKI</b>	<b>25–30</b>	<b>19–23</b>	<b>14–17</b>	<b>9–12</b>	<b>0–7</b>

**SEBENTISA IRUBHRIKI NJALO NAWUMAKA UBHALOMBIKO LOMFISHA SIGABA C.****IRUBHRIKI YEKUHLOLA ITHEKSTHI YEMBALOMBIKO LOMFISHA WELULWIMI LWEKUCALA LWEKWENGETA [20 EMAMAKI]**

<b>Timpawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETFWE, KUHLELA NESAKHIWO</b>  Imphendvulo nemibono Kuhleleka kwemibono, Timpawu/Timiso nesimongcondvo.  <b>12 EMAMAKI</b>	<b>10–12</b> -Imphendvulo lengemalengiso lababatekako. -Imibono ivutsiwe, inekuhlakanipha, lokukhombisa kucabanga lokujulile. -Lwati lolungemalengiso lwetimpawu teluhlobo lwetheksthi lebhawako. -Umbhalo ucondze ngco. -Lokucuketfwe kunemibono lebungene ngemalengiso. -Yonkhe imininingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.	<b>8–9</b> -Imphendvulo lesecophelweni lelisetulu lekhombisa. -Lwati lolusecophelweni lelisetulu lweluhlobo lwetheksthi lebhawako. -Umbhalo ucondze ngco, awutsemeleti . -Lokucuketfwe kunemibono lebungene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	<b>6–7</b> -Imphendvulo leyenetisako, lekhombisa lwati lweluhlobo lwetheksthi lebhawako. -Umbhalo awukacondzi ngco ngalokuphelele, unekutsemeleta lokutsite. -Emaphuzu alokucuketfwe abumbene ngalokwenetisako. -Leminye imininingwane iyasesekela sihloko. -Sakhiwo siyenetisa kodvwa sinemaphutsa latsite.	<b>4–5</b> -Imphendvulo lecatfutako lekhombisa lwati loluncane lweluhlobo lwetheksthi lebhawako. -Umbhalo unekutsemeleta lokunyenti. -Kumbana kwemaphuzu alokucuketfwe kuncane kakhulu. -Imbalwa imininingwane leyesekele sihloko. -Imitsetfo netimiso letibalulekile tesakhiwo setheksthi atikalanzelwa ngalokufanele. -Kunyenti lokubalulekile lokusilele.	<b>0–3</b> -Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako. -Inshokutsi iyanhlanhlatsa, igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leyesekele sihloko. -Imitsetfo netimiso tesakhiwo setheksthi letibalulekile atikalanzelwa nakancane.
<b>LULWIMI, SITAYELA NEKUHLUNGWA KWEMAPHUTSA</b>  Umoya, irejista, sitayela, inhloso, tetsamelilwati nesimongcondvo, Timiso nekusetjentiswa kwelulwimi, Kukhetseka kwemagama, Timpawu tekufundza nekubhala nesipelingi.  <b>8 EMAMAKI</b>	<b>7–8</b> -Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo. -Luhlelo alunamaphutsa kantsi futsi icambeke kahle. -Esikhatsini lesinyenti akunamaphutsa.	<b>5–6</b> -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.	<b>4</b> -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Kunemaphutsa latsite eluhlelo -Silulumagama lesenetisako -Emaphutsa akayiphazamisi inshokutsi	<b>3</b> -Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.	<b>0–2</b> -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo. -Kugcwele emaphutsa lamanyenti ladidanako. -Silulumagama asihambisani nakancane nenhloso. -Inshokutsi ihlangahlangene kakhulu.
<b>KWEHLUKA KWEMAMAKI</b>	<b>17–20</b>	<b>13–15</b>	<b>10–11</b>	<b>7–8</b>	<b>0–5</b>

**SAMBA SAKO KONKHE: 100**